

天

真

閣

集

天眞閣集卷三十四

詞二

昭文 孫原湘 子瀟

橫波館梅花三弄

鳳凰臺上憶吹簫

夕眺

孤鴈投蘆疎鴉點柳偏憐暝色高樓把曲闌凭遍夕照橫秋古
徃今來何極閒雲蕩楚水悠悠人何處淒清畫角纏斷涼州
颼颼暗風起也吹落葉天涯總在心頭記昔同遊處萬綠雲流
今日湘簾重卷空枝漏片月如鉤還凝望天邊亂帆不是歸舟

滿江紅

春情寄遠

我已傷春偏生對病花狂絮簾乍卷綠陰庭院弄晴如雨燕守

單棲還自語。蟬懷孤悶。憑誰訴。墜小窗殘縵。亂於雲渾無據。
蟾未落。雞將曙。分手地鉛冤處。盼紅牆三尺碧。天無路。惆悵前
歡難再補。思量後約終成誤。把此情交付與清江潮來去。

燭影搖紅

待不思伊。又將伊向心頭貯。幾番拋撇定重來。似影難離步影
有時還暫去。未如伊牽人意緒。偶逢花笑心欲他飛。教伊兜住
睡去應休。小窗瞥見驚鴻。慶隔屏纔轉已飄然失了逃藏處。
乍起褰幃。四顧認芳蹤。猶停繡戶屢聲徐點。誰道簷前綠蕉疎
雨。

滿江紅

秋聲

仙馭來時起。一陣蕭蕭太空披衣向玉階尋覓。環佩無蹤。扇扇

簾波寒蕩碧星星燈檠冷搖紅只打窗微雨響疎疎月正中
纔凝竚來暗蟲乍消歇又哀鴻送一天秋思盡上眉峯成賦庾
郎搔短髮依人王粲恨飄蓬料箇儂今夜癡遙西無路通

齊天樂

雨夜聽塔鈴感賦

相思已苦長懸繫遙空更聞秋語四角風高孤輪夜靜自訴郎
當如許西窗暗雨正密響簾纖動人離緒和入淒音未容詩牋
趁秋去 宵深似聞暫住又商飈一陣搖蕩無主放鵠雲邊籠
花網底無此聲情酸楚聽殘更苦似別怨零星咽難成句任爾
枯禪也縈愁萬縷

揚州慢

感舊

猶記當年水西樓下一絲宛轉簫聲卷珠簾十里正璧月盈盈
自桃葉江干別後舊遊池館芳艸無情臘雕梁新燕春風私語
淒清竹西鼓吹待花時仍理瑤笙縱舊曲依然雙鬢不見何
忍重聽十二玉欄尋遍前塵縷苦不分明問紗窗梅萼因何吹
落還生

賀新郎

落花

欲埽何如罷問誰教紅情爛漫霎時開謝開到春光三分足畱
取舍香姬妬莫盡把春心傾瀉情極濃時情須變忍于情纔是
真情者凡事好用情乍深閨枉對東風罵縱零星收來鉚盒
豔竈先化盼得明年開重好須是西施再嫁已不是今年春也
我有心頭無窮淚借傷春細向尊前灑不得已醉姑且

減字木蘭花

梅花飛了雪滿空階
憐不埽似艸閒情纔著東風已遍生樓
高天迴孤影立殘斜照冷又是黃昏一陣廉纖雨閉門

更漏子

白鷗波青雀舫載去玉人天上花宛宛柳依依豈知人別離
鬟雲襯睂山鎖莫更回頭望我兩處淚一時流春潮長不休

菩薩蠻

碧桃花裏牽裾別歸期訂說秋時節若是誤歸期須憑儂怨伊
便教歸計緩爭忍將伊怨眞箇到相逢還愁伊怨儂

生查子

待得月初高久已花陰立身願似金錢只有圓無缺花已不禁寒月亦愁成別身莫似金錢一任人拋擲

一落索

櫻桃花

好是半開時候
嬌情初逗不施紅粉
越風流只畧比桃花瘦
妝罷下階閒走折來纖手問伊枉賀買春錢有似此人兒否

菩薩蠻

隔年準備今朝淚不曾真箇心先醉及至淚難垂始知真別離
東風吹細雨儂自開帆去不忍送郎行反教郎送行

卜算子

天上月初虧人也初離別月易虧時郤易圓人不如明月寬
了十年期總有歸時節人若重圓不再虧月滿終須缺

祝英臺近

夏夕閨情

一叢花
花上露花底一鉤月
卸了金簪未是睡時節
惱他簾影移
風蕩搖無定索
重把玉鉤高揭
竹陰碧逗出幾點涼螢
將飛又旋歇
喚起雙鬟閒
庭試尋覓誰知閃過雕闌
悄無蹤影
卻渾似箇人心活

釵頭鳳

蓮籌寂
蘭缸滅
竹西樓暗
東風入霏霏
露濛濛
霧半鉤斜
月到
花深處
住住住
湘簾密
湘雲碧
洞天來
往春無
蹟鳥啼樹
天
將曙板橋霜滑
少人行路去
去去

江城梅花引

瞥然清影
小窗西是雲
移是花移
豆蔻梢頭初月
與檐齊
銀燭
自吹簾自下
纔寢也
又參橫
翠鳥啼
鳥啼鳥啼
曉寒淒
雲滿
衣霜滿
蹊挽也
挽也
捲不住
花下分飛
萬里長
風吹不斷
情絲

但得兩心常一意 拌百歲要相逢有後期

小關子

美人吹簫圖

桐陰向晚碧雲流 深院鎖清幽
撩鬢風疏裏 衣涼嫩微溜玉搔頭
鳳簫譜出同心曲 心事果同否
落葉聲中明河影裏吹者

一天秋

浪淘沙

別緒

去去不須留 只與天謀釀成飛雪凍
河流勝似柳絲千萬縷 挽住行舟留
也使人愁凍解還休 重來知道果來不
只有相思難閒阻 各自心頭

少年游

瀟湘如畫羅浮如寢輸與此中行燕尾溪邊桃花影裏同聽玉
簫聲 夕陽紅戀梢頭柳不抵此時情水遠燈昏坐來尤近心
迹自分明

浪淘沙

花不管風吹吹去還來謝嬾妝閣更休開便要開時須記得莫
下閒階 瘦了遠山眉綠了天涯小窗和雨寢蒼苔搖蕩玉釣
簾自卷燕子還猜

繫裹腰

箇人病况

夕陽庭院起來遲偏又值落花時便教不是落花時簾寂寂風
剪剪已難支 爲誰消減玉丰姿休道是爲相思假饒真箇爲
相思心上事睂頭恨問誰知

洞仙歌

佳期七七算良緣剛巧攜入青山萬峯笑向洞天深處細語輕
憐低頭拜心事佛應知道人閒秋暑在此地偏涼玉笛吹開
碧雲嫋若箇肯移家儂願相隨早晚把落花親埽任林外斜陽
促歸舟還瘦影低徊自憐清沼

又

滿湖秋月似隨儂歸艇載得蛾眉兩相映只偷攜素手已夠消
冤爭禁得飛墮懷中風韻麗譙更二點泊近紅橋睡也初濃
喚何忍好癡向誰圓一片梨雲偏借我清臘當枕漸冷露無聲
溼銖衣倩花影扶歸索須推醒

又

昨宵佳約記香盟提耳若再遊移有如此聽銅鋪乍響金翦先

停飛鴻影笑出畫簾來矣。相攜閒眺遠小閣窗開一朵芙蓉落眉際頃未叩門時儂已先知見君在碧峯遙指儂不信雲英盼君深試走上層巔望儂家裏

又

一襟秋思被雨絲沾溼越要相拋轉親熱把寒暄語翦喜慍顏收先詰問底事愆期前日不來由得汝偏說曾來除是清冤趁蝴蝶今日算尋盟身到花閒又癡向那家枝葉若果道文君秀堪餐當燮燮淒淒餅須應說

題糕令節值文園初起煙外尋秋踏新霽看遠山睂黛勝似看山也算得醜盡登高成例丁嬢歌十索衣帶須長好把同心一條繫妾是拒霜花郎是西風受披拂今生能幾且堅訂繭期

月明時若無意團園也由君意

又

昨宵寢汝粧朝來偏應還道西窗寢中認恁縞衣雲冷翠裏天
寒宛然是一樹玉梅清影含情千萬語引過閒房步步留心
有人聽究竟別無言單問郎心何日把滾盤珠定莫醉膽無聊
語人前指瑟瑟珠囊口如伊緊

蘇幕遮

雨纔晴晴又雨天尙難憑何況人情緒樓掩寒雲雲護樹欲寄
傷心惟有秋知處帶圍鬆眉翠聚刻意悲秋秋郤終無語病
葉卷將秋思去一陣西風又送愁邊住

踏莎行

短癮憐花孤行惜草一庭綠鎖春愁老不知十二箇時辰爲誰

情緒空顛倒 測日圭圓指南鍼小玉纖拈弄偏輕巧碧梧陰
細漏斜陽一天又是閒過了

鵲橋仙

茗煙如水窗光似雪黑白一奩相對問郎輸了作何償願轉普
麻姑搔背滿斟不飲淺斟不飲辭說文園新瘥如何飪喜食
酸涼便奪下黃柑休怪

念奴嬌

十一月十五夜月色甚皎

高寒如許到黃昏洗得絲絲雲淨四角星河齊凍色獨有珠光
圓迸樹歛棲煙潭凝古潦鳥鵠都無影青天一片與人心迹同
冷 搔首試問姮娥無人相賞爭不全身隱舊恨瓊樓脩未了
新恨旋虧冰鏡萬籟沉空千家入寢清氣誰消領月猶如此耐

寒梅萼須省

采桑子

東風如此寒猶峭窗外梅花窗裏如花隔著輕雲一片紗踏
青挑菜都過了二月韶華二十年華守定紅窗日又斜

連理枝

花朝節事

十二三天氣十二三年紀如此初春寒輕寢淺最銷覓地倩東
風喚醒百花覓有一分開未
鬪草輸偏避鬪酒贏偏記道不知情
看梢眼角也含愁意只背人苦苦問相思是恁般滋味

西犯令

乍暗明眸星兩點宛似常相見記得有人雙嬌眼還比似卿流
轉送汝青綾鶯帳畔好與持團扇詠絮繡蘭裙學通更偷學

橫波翦

鵲橋仙

梅花爲春寒所勒二月旣盡玉英始敷凍雨又至踏溼
於林臯墮粉欲溶清香襲人拂之不去心乎愛矣撫玩
空枝彌悵幽賞

深寒耐過輕寒耐過纔放暗香微吐花時能得幾回看又日日
風風雨雨冰肌雖減玉顏無改敢道美人遲莫任教明月挂
空枝也林下低徊如故

增字漁家傲

裊裊娉娉年紀小十索歌成索寫崔徽貌雙頰芙蓉都畫了還
未肖清臚重點神纔到活脫拈花微欲笑左右看來總覺橫
波俏人道不如眞面好佯作惱背人偷取菱花照

眼兒嬌

能有心頭幾多情秋水一雙橫聰明只在靜中忽溜衆裏先迎
有時絕不輕廻顧心事自分明消魂更是睡情纔上醉態微
呈

減字木蘭花

一簾飛絮欲去遲留還未去小立輕寒原是來時共倚闌 重
來雖說何似今番休遽別旣別休思只當從前未見時

散天花

細雨房櫳玉一窩可無雙酒暈入橫波越羅裯夜晚寒多未妨
移坐近沒人過 薦地閒愁上翠蛾問伊愁底事儘延俄只除
纖手許摩挲索將伊放去看如何

青玉案

重簾細雨朝如暮但目斷橫塘路起覓春情春久去一雙蝴蝶
一聲鸚鵡驚地來神女風鬟霧鬢清如許碧沼紅欄儘延竚
更喜晚晴晴又雨竹和伊瘦花和伊語雲也留伊住

合歡帶

瑤臺飛下春聲道歡笑轉淒清天上桃花容埽盡只閒愁埽去
還生睂長語短杯深酒淺盡是聰明縱銀灣不多春浪一重還
礙雲行半酣心事更縱橫是多情是無情欲住依然畱不住
怕人疑嫁了雲英何如去也香邊纓裏轉得圓成約重來玉簫
親譜莫教空與海棠盟

東風第一枝

絕色無華高情不媚寒梅生就風致自來無意人知甚處更逢
素羿生香一掬只暗墮詩人懷裏又怎知冰雪清寒已受燕猜

鶯忌 休到眼舊愁挂繫須努力瘦芳靜寄未經水樣相思詎識箇中俊味安排金屋看秀佩歸來天際便龍頭驛使音沉玉管定還吹起

一斛珠

寢中天上白雲消盡紅塵想玉簫吹得仙心蕩碧落無情明月玻瓈響門外長江翻雪浪如何洗得天惆悵扁舟此去重來儻落了桃花人面應無恙

沁園春

美人瞳神

是也非耶秋水爲之其中有神是依稀月裏素娥原幻朦朧波底湘女非真雛婢看時嬌兒對處各現玲瓏最小身郎來矣笑你中有我我亦藏卿憑他妙手如生到箇裏妍媸畫不成縱

謝家偏視全神應現徐娘斜盼半面猶呈春倦微含香眠小合
暫掩橫波秋一泓晨妝啓訝鏡中惟我眼底何人

又

美人嬾暉

素面無瑕靄地春雲橫生嬪姿看晶屏掩映休猜獮隨瓊奩洗
淨慢認燕脂曆笑堆餘眼波橫處一朵桃花透雪肌風前立認
落紅無賴飛近蛾眉 教誰說著相思郤贏得羞顏難閃移算
酒痕悞泛終輸灑灑枕稜淺印只有絲絲婢怨纔逢郎歸太緩
剛在嬌瞋佯怒時鴛衾展奈睡情微上漸不勝支

又

美人鬢影

如霧如煙看不分明輕綃半籠似新蟬蟬翼抱枝婀娜寒鶯拖

尾隱葉蒙茸釵拂春雲奩開秋水還怕雙鬟梳未工纖纖手把
約黃小鏡反照玲瓏低頭穿過花叢恐抓著些兒看水中更
晚妝燈下頻加整掠迷藏月底漸慮蓬鬆粉面羞回金釵側露
蕩漾疏簾一扇風尤嬌絕是見人驚避背影匆匆

又

美人肌香

生小高情縱有奇香鴛爐怕薰郤性中蘭蕙得來清氣胎中豆
蔻結就靈芸暝護羅襦紫藏珠袜未許同胞姊妹分雲窟底只
檀奴有福燭滅親聞人前忽透氤氳被無賴東風掀翠翼更
一絲嬌喘韻攬餘麝四支紅輕息帶微醺暗不防偷寒能自辟
脩到梅花惟此君還須禁怕初衣懷去漏出清芬

琴調相思引

睡起重臨午鏡遲
簪花刪郤半驚枝
消冤香在拾取慰相思
若使鬢邊簪曉露
那容頭上嗅芳姿
受人憐處偏在已殘時

鶯戀花

月滿秋窗花欲語
引過閒房步步相迴顧
蘭篆雙檠煙縷縷
箇人情意濃如許
竹響騷騷蟲絮絮
底事持燈苦要催人去
一曲紅蘭雙影度
他年又是傷心處

又

小榻安燈紅似豆
一尺腰支三尺衾兒厚
雙枕並頭排玉藕
妙蓮香自中心透
聽徹沉沉銀箭漏
無計畱君寢也能畱否
記取相思休出口
怕人說著新來瘦

又

綠酒生鱗銀蠟凍
莫說明朝對面先如寢
月又漸低雲又擁
壓

簷天亦濃無縫 報道潮來帆欲動 怕送郎行反索郎相送珍
重一聲雙淚湧 願將紅豆他生種

浪淘沙

題畫中人

道是意中人卻又非真 那些兒像玉手神只在雙眉纖秀處 又
帶微顰 不是意中人爲甚偏生綠萼花下著卿身 幾日相思
纔放下兜起重新

賀新郎

惱花

把酒東風裏問花枝金鈴未動爲誰瑤曳記得含葩初放日一
點春情暗遞爭轉眼全舒芳意對我朱顏渾似笑對他人笑口
依然啓休信道爲知已 看花祇合無人地忍清寒攀條弄影

獨諳情味到得枝頭紅爛漫讓與遊蜂競戲奈苦向雕關頻倚任爾低徊看不足怕西鄰偷折牆頭易思舊寢且休矣

又

花答

花亦神淒絕道深情將伊錯惱未知憐惜人自見花嬌如笑花豈曾舒笑靨祇不合天生容質一種嫣然春無那對人前難晦傾城色爭禁得被人識君如金屋藏春密到花時葳蕤緊護有誰攀折錦樣洞天無拘管容得東風引入卻轉怪香憑人竊輾轉思量還添恨恨生香難謝閒蜂蝶心一點向誰說

摸魚兒

贈別

問門前一條春水載將春向何處思量總是天多事多郤者番

相聚天不語天也趁東風漏下絲絲雨空留暫住任一片輕雲
化爲帆影索性放伊去 香邊約不怕良緣暗阻愁伊來又如
許何如并作今番別省了淚珠無數卿自苦偏說要更番繡出
傷心譜重來定否算只有將情磨成并翦翦斷碧溪路

霜天曉角

畫櫳

欲畫伊身畫中難笑顰寫取花中絕色聊當箇意中人 風神
高可親天姿尤絕塵只算全身描出描不出性情真

八六子

醉臥古櫻花下

忍清眠滿身香雪分明寢入瑤天縱惻惻寒欺雀瘦淒淒風襲
衣偏詩冤自仙 因緣知寢誰邊月影潛來依傍煙痕曲與纏

綿一任他星河弄春徐轉玉爐香減翠尊波淺那禁醉魄和雲
盡輭狂心隨蟬俱顛正悠然飛花又驚素絃

沁園春

藤釗

約腕同圓襯出玲瓏輕衫乍更認一圃束處綢繆有印十分熟
後滑膩無聲鬱柳爲卮盤櫻作髻屈曲隨人是性生纏緜意間
誰將圈子籠絡卿卿幾回摩弄鮮明爲珍重繁欽舊定情看
除方晨盥霑濡恐折壓當午睡熨貼疑平白玉連環黃金條脫
柔婉偏輸此種輕纖痕皺記那回深夜齧臂盟成

蟾戀花

作意留春留不住風欲留時雨卻催將去懊惱春光全沒主如
何只聽啼鵑語盼得新晴雲縷縷天也多情畫出人離緒蜘蛛

綱自憐無用處落花兜寵兜飛絮

聲聲慢

雨窗賞未開綠萼

清尊易泣拍徧關半枝頭翠羽寂寂水墨天低遮斷綠華消息
黃昏一陣兩陣作弄他嫩寒時節舊癮遠奈春痕索徧玉階無
蹟只有輕煙搖碧幾時見羅浮月邊晴雪又怕東風貼上箇
人粉額瑤妃慢呈笑齒正相思如此濶絕且醉也更莫管窗外
點滴

情長久

長真閣古梅八月作花疏香數點而清艷獨絕深夜徘徊
花下月如雪心如冰矣

已教管領春光又奪清秋色想萼綠艷情灰後寒焰重熱冰心

持不定桂輪裏飛下嬌娥怨鬼倚銀燭納裳弄影素佩凝香還
認是元宵節 黃蟾偷窺瓊玉曾相識訝綠葉已成陰後風韻
如昔還愁商意緊被冷笛吹上深宮粉額算相見原非寢裏不
是圖中秋思幻春消息

卜算子

刻骨此相思無計能飛越譬如見天邊月一輪人不如明月 明
月縱然圓乍滿旋虧缺人願清輝夜夜圓不願如明月

霜天曉角

梅

情孤韻潔不要春憐惜蝴蝶乍來還去祇認是一庭雪 夜色
看又別折時何忍折惟有舊時明月相見了共淒絕

八聲甘州

春夜寒甚悵然賦此

問東風何事弄春寒。飄搖篆烟斜對一燈孤影蕭蕭短髮飛雪愁。加轉憶玉堂清寢除說與梅花推出窗前月任向誰家。可惜畫橋新漲載片雲西去不載仙槎縱後遊堪補孤負此韶華待重尋隔簾雙燕怕舊痕畫斷小紋紗休凝望料閒鷗外緣了天涯。

好事近

初意覓幽歡蹤迹怕人猜。料阿姊有心窺伺早花閒尋到未客卷起裏羅看蛇醫驗分曉且索一雙纖手數螺紋多少。

摸魚兒

雨中送春

挽風前萬絲楊柳思量休放春去便教常在春邊滔已是亂絲

無數難挽住偏放著一條紅浪春歸路花全不語任泛泛魚兒
輕憐薄怨沿岸細吹絮尋君約只是當時自誤如何醜怕人
妬濃煙暗雨天難醒有恨莫憑天訴雙燕舞燕尙解啣花細補
香泥土東皇太苦算去了重來不如休去去又向何處

沁園春

只道休休底事還來教人眼穿問當時密誓而今安在昨朝爽
約何處流連詰總無言呼佯不應身在儂邊心那邊桃肌瘦爲
誰人小病絕不相憐情真薄似秋煙尙假說多情向我偏怪
一痕脂染情蹤詭秘一絲髮繫心緒縈牽對卷常吁逢花便笑
薄倖瞞人須有天聽耶否料暫時低首過後依然

洞仙歌

秋泛戲贈

水滸傳卷三十四
泊瀨漲水載渡頭桃葉卻喚桃根共持楫夢間園蕭瑟古木清
華貪延佇細雨不知衣溼且沾桑落酒纖手斟量勸了黃花
勸諸客誰是意中人笑坐懷中竟不顧坐中人嫌我轉怪卿卿
太嬌憨但小妹當前也須嫌別

又

枕溪斜屋認絲絲秋柄似向當門學垂手萬芳姿小別相見依然遲幾日定與黃花同瘦莫提前日寢且約新歡又怕人前坐難久無計教遲遲喚取雲漿偏閣在鏡邊香右便畱也空畱送還休只一點秋心背君拚守

菩薩蠻

一堆香雪寒宵寢一絲斜月披衣送此景怕思量思量已斷腸
無心逢畫裏往事重提起畫可當伊看教伊入畫難

洞仙歌

蘭風子梁於白門寄菩薩蠻十闋名曰秋痕詞讀之豔
思渺慮蕩我心嵬賦此解答之

寂寥正苦有長干雙鯉葉葉相思囁纖寄道黃鸝巷口烏鵲橋
頭秋癡在一樹馬纓花底清愁難寄與覓箇同心同賦新聲
玉簫倚秋去本如煙強要畱痕向水上繪成秋意若不是雙紅
豆親裁怕遇著紅紅也相思起

春光好

鴛鴦標

相思樹合歡枝比肩時笑道焉能辨我是雄雌萼綠華原有
媚貌姑仙豈無私我欲偏裁三十六繞園池

蝶戀花

鵲鏡初收妝未久 揭起疎簾衆裏睂峯秀 十月嫩寒生翠裏
一爐小篆聞相守 乍讀郎詩新上口 一半猶生未肯輕離手 難
字更須郎口授 深談約在黃昏後

洞仙歌

別離怕早借丹青濡染畱取崔徽卷中而奈呈花頰秀替月姿
圓神難取屢費畫工偷眼 紛睛纔活脫未及裝池沉水先熏
幾回展可惜曉霞痕無計描撫還少了一分妍倩恰有幅湘臯
二妃圖敢暫屈卿卿侍兒爲伴

又

綠窗秋靜正香羅挑倦曲本藏鍼尙拖線恁偷攜不禁平視無
嫌偏一點繡迹未容窺見 近知眠食減欲勸加餐分付厨娘
碧蔬藜底事去匆匆何處孤遊可要箇朝雲相伴聽簫鼓如騰

賽清秋約夕照樓頭看君來看

菩薩蠻

玉餅手插同心朵綠雲遮面嬌無那人面似蓮花蓮花似面耶
銀塘秋易老箇裏花常好花落露蓮蓬芳心更在中

天眞閣集卷三十五

詞三

昭文 孫原湘 子瀟

幽蘭閣離騷怨

昭君怨

春曉

花裏一絲雲影 花外一聲清磬
曉露滴衣裳 滿身香 折得幽蘭誰贈
彈出瑤琴誰聽 一鶯繞人飛自依依

醉太平

風瀟雨瀟今朝昨朝 爐煙裊得無聊
况伊人素腰 舟遙信遙
香消翠消江山似此迢迢 又楊花亂飄

行香子

簾外風寒簾內衣單
瘦銀蟾推出花闌箇
人去也 一雁偏還贖

眼中愁愁中寢寢中歡 銅鳳更闌寶鼎香殘聽窗紗落葉聲
彈迢迢秋信天上人間隔幾重雲幾重水幾重山

子夜歌

春閨寄遠

猛思量寢兒昨夜乍喜片雲相遇恨多事東風吹雨斷了去遼
西路盤蠟淚消爐灰心死寢在人何處儘遊絲攔住春光還問
鏡中綠鬢可容留住 畫屏前丁寧後約化作斷霞千縷癡燕
尋巢嬌鶯戀柳人卻如飛絮縱飄零自喜何如萍得圓聚流水
難回少年須惜休被黃金誤早歸來簾外櫻桃待君同賦

法曲獻仙音

過南湖舊遊處追悼故人

霞卷天高石通泉古雁外都空人籲老樹忘情病花無語風吹

一池清水但廢綠平蕪地寒煙自生翠 忽淒淚認青青插湖
峯影還似否當日鏡中看黛一片古今愁付秋雲幾葉搖碎月
姊猶憐破瑤闈飛下環珮問瓊樓前寢化作楚天烟靄

酷相思

碧玉芳塘圓折小長幾簇相思艸恰飛下紅襟駢翼鳥波勢也
相繁抱山勢也相迴抱 蕨地涼颸吹嫋嫋把萬綠秋如埽道
天最無情吹不老星影也先稀了月影也先虧了

秋霽

中秋陰雨擁被眠矣初更雨止月色倍皎起坐桂花下
引醑自酌悵望碧雲惜無人共之

簷際飛來是舊日南樓見慣明月露點星搖水聲雲學小庭夜
涼清絕古香弄雪一珠光似寒空滴醉且適還向玉壺澄處濯

詩鬼
當此自笑聽雨聽風已拚今宵閒守窗黑仗銀灣秋光
洗淨山河都換琉璃白愁思此時拋可得彼美何處但見杳杳
孤鴻遠天無際蕩煙空碧

江城梅花引

藕風吹暑散銀塘是衣香是花香香過中門旋轉小迴廊茉莉
幾叢蘭幾箭畫簾底有人兒換晚妝輕妝澹妝倚斜易額半
黃扇半障盼也盼也盼不盡樓上紅窗偏是窗中西角有屏儕
月又未高雲又暗一回首乍分明已渺茫

賀新涼

題宛仙夫人鷗波仙館

煙水當門淨似移來瀟湘一角佩裳清影幾點露珠搖碎綠彈
得閒鷗寢醒恰翡翠移巢初定安置筆床茶竈罷藕花香飛上

吟箋冷仙境界付仙領 玉樓小住年年病算今番品簾挂月
許窺妝靚丰格天然秋可照恰喜涼波似鏡郤對著冰花思省
翠蓋亭亭相傍立宛綠窗笑貼朝雲緊心一寸藕絲引

前調

宛仙夫人以諸花香作茗供客袁隨園丈錫名五花露
疊韻賦之

冰雪聰明淨是仙人靈心結撰一甌春影五色浮來雲五朵箇
箇芳覓乍醒還旋轉如珠無定觸手濃飄香霧嬾覺春融玉液
情難冷身未飲意先領 憐花瘦亦如人病被今番醍醐得灌
頓然妍靚宛似摘來猶帶溼浸入圓冰小鏡引滿後枯腸恩省
一樣露從仙掌下勝銅盤冷瀉天風緊三盃罷又香引

念奴嬌

爲宛仙夫人題憇南田荷花便面和竹橋文韻

風裳水佩畫中看也算良緣清艷三十六陂秋色冷比似銀灣
清淺浴雨嬌姿弄珠仙態看了還頻展勝研花露洛神親寫全
面似癢郤又如真曾經湘浦妙相空靈現隔斷鴛鴦雙照影
賸了亭亭清怨一片青天一泓秋水意近神猶遠舞衣寒否綠

雲和恨先卷

月華清

九月十二夜被酒鄰淬閣滅燭坐月花影滿身洒然而

醒與穉仙踏月曼聲歌此

蟾外涼催蟲邊愁醒夜窗人共秋語吹滅燈花換得一簾疏樹
弄瘦影幾葉清寒宛畫出恨人心緒留住怕銀屏十二化雲飛
去似此清宵休錯便說鬼談幽儘多佳趣滿眼相思付與斷

鴻低訴間天際一角礙雲能閭住幾分風雨回顧念天寒修竹
裏羅延佇

羅敷蠶歌

綠楊高入青天半人在紅樓誰過紅樓簾也無風自上鉤 瓊
檐忽裊千絲亂道似離愁若是離愁風翦絲絲不斷頭

雙红豆

偶愛吳園次把酒祝東風種出雙红豆二語自署雙紅
豆生囑邵雲巢繪圖自題此調於上輪意達情適成八
闋調本長相思雙红豆其又名賀方回秦淮海揚補之
平仄互異故所填不一律取其諧協而已

正苦相思迷離惝恍如何畫與人看一情未了又一情生拋來
兩箇疑團忍拆成單只洗空心地左右分安物不普人瞞宛雙

珠托出和盤願有合無離多生不滅春風長暈朱顏若非重
結實爭能教蒂固根蟠種出雖慳不信比天生更難但頻澆情
田露液休乾

又

是否當年二喬艷鬼相思並化江東合歡樹底連理枝頭一雙
貽我玲瓏入手仍空笑投瓊未慣記曲非工拈出萬花叢勝常
安銀合當中待劃寢爲天搏愁作土情根托與東風來生親
種下便今生未算相逢分付紅紅好趁著春濃酒濃莫逡巡先
開小朵心同

又

兩點分明不成心字爭生載得相思須添意土好護愁苗祝成
三頃珠兒一對蛾眉著中閒一點是我情癡只怕又差池傍花

陰鴉觜親攜 也知道來生生原縹渺便生已到秋時西風難
說與仗東皇先爲扶持廿四番吹吹紅綫紅綃並垂待兼收重
酬瑪瑙雙卮

又

我欲畱將分嵌釵股與他鳳比鸞交或安骰子點點鮮明卜來
佳識連宵就使閒拋也堪煩記取絳樹聲嬌爭不手持牢要泥
中別長情苗 算根已先離枝難復上經時容易紅消東君須
做美倩良媒紅友頻澆莫草朝朝如並嫁同車二姚莫單如一
雙佩解江皋

知道封姨紅情定妬可堪托與靈根緘宜寶匣藏合珠襦心頭
牢印雙痕觸著消冤道蘭胸菽發未敢輕捫逕欲趁芳尊當金

丹一口都吞 郡灑酒陳詞翦旛繡字向空乞取私恩調和花
信燠長連枝先綠成邨樹底溫存盼日暮亭亭碧雲漸輕紅逗
來少女榴囊

又

頃刻難葩團園未果不如放下心腸從拋兩處莫植同根由他
少二無雙宛轉思量當丹誠寄與邢尹分藏一遺雪衣嬾一桐
花小鳳銜將 聽的的朱櫻同聲囑付他生畢竟緣長風前齊
撒取願花花葉葉相當遲發何妨勝日久紅乾佩囊兆佳音並
頭早結蘭缸

又

合併雖雙分開賸一除非種了還生憑他和氣化作連珠有如
並命同庚圓轉輕盈替天台二女繪影摹情看不出懷仁比尋

常豆蔻聰明更左植頻婆右栽靚客中閒配著星星幾番和
露灌配相思烟艸俱耕采擷休輕勸畱取枝頭豔痕供銜杯巡
行十二時辰

又

縱有他生何從認得雙雙卽是前身聊憑畫裏信手拈來宛然
雙笑濃春種豈無因道今生已矣緣結來生心事自分明又何
消並啓丹唇待畱與人看定應猜到灑箋血淚猶新幾時眞
箇也醉芳尊說向花神火齊圓勻要紅遍南鄰北鄰是邨莊有
情盡結朱陳

國香慢

素心蘭

天賦離騷縱春風脈脈不露春嬌何嘗與春離郤春自痕清淡

到同心都化更無痕吹笛情苗無言有琴意寂寞空山雪欺冰
邀芳覓誰寄托與湘雲一朵湘水中搖本來仙骨非是作意
孤高肯博人閒寵夢抱真香自隱巖坳何須避人見瘦影依然
意近情遙

八寶妝

泛舟三橋花柳晴妍士女雲集極湖山之綺麗因憶舊時酒伴多半零落更數十年後今日諸公惟青山在耳
歡笑之餘忽生悲詫感今歎逝幾不成聲矣

鷗外春濃蝶邊晴媚盡是故人遊處認得三橋楊柳影青眼相迎如故桃花開到九分花上紅樓樓中人共花枝語多謝綠波新漲替傳眉嫵休道水最情深水深萬丈可能長把春貯送春色年年去也只山色不會流去問他日前船艤艤倡聲船可是

今朝女便淚鑄黃金如何買斷斜陽路

唐多令

春晴兩日旋復陰雨賦此撥悶

天有幾多愁春來冷似秋數空階點滴無休盼到五更風漸緊
風乍定又颼颼水際美人樓碧桃花落不料無心更上樓頭
就使強扶殘寢立樓下也沒行舟

望湘人

重游三橋人影衣香如故而落花滿地矣

又東風載煙如不治遊好山招我雲際一笛鷗邊一窩柳外搖
蕩一湖春思昨水猶香嫩晴逾碧新愁須洗恁飛花濃繡閒惺
幾日不來如此還有衫明粉靨縱紅芳落盡紅顏堪替道已
老春光未老半春年紀春如去了再來仍媚人郤難援春例便

掬取水樣春情翠鬢楊花難避

醉思仙

慶雲堂觀牡丹

問神仙爲何人謫下如此躊躇早天風吹珮碎綠雲邊春似海
春誰主一笑萬花蕪倚闌干未遇我幾曾輕破嫣然我郤愁
相見見時愈覺無緣爭玉樓三尺縹緲青天下影花中寂寞
覓得也如烟好春光莫恨晚恨時只恨啼鶯

昭君怨

人在秋聲中坐秋在風聲中過一葉一秋心總難尋天外行
雲飛度一片詩情來去聽到寂無聲更淒清

洞仙歌

春寢

春隨流水去人閒難返賸了無情碧雲片怕重拈舊句惹起相思原不分寢裏桃花還見昨宵明月下急起披衣小行迴廊盡穿遍一逕冷苔苔細艸如煙還滿地蟻覓驚顫恁是處游蹤總堪尋只沒計尋他舊時人面

鬲谿禊令

題蘊玉樓主人畫禊

是何心緒太縱橫月紛紛記得前宵春寢亂於雲寢中疑是君本來不著世間塵縞衣身躡地相逢無語又黃昏暗香先襲人

又

玉樓春因未全蘇倩雲扶扶下樓梯纔立住輕軀有梅如我臞雪中相對雪肌膚兩饃餉只有生香溫煖與花殊隔花聞得

無

又

托根知道是谿邊是山邊但看雙枝纔起似雛年絕無花可憐
豈知歷劫已三千藐姑仙瘦得腰支如削越鮮妍至情能鍊
顏

又

畫棟多取曲爲工勢玲瓏我道棟花卷曲是人功不由情性中
此圖玉立在山空對師雄郤與吾家籬落一株同逼真林下
風

五絃結同心

茉莉花籃 此調紅友祇收趙作平韻一首此照囉書
亭集用仄韻

輕雷過雨密葉傳芳早把玉纖偷掐雪蕊含猶緊好畱取一半
明朝分插是誰織就花櫓巧盤細縷層層三匝麻姑瓜目攜扇
底人道采芝歸恰黃昏靜懸華榻看月光冷射帳中珠蛤莫
遣輕搖動須防取飛墮暗侵梨頰晨窗解下玲瓏樣喚小玉提
來妝匣喜夜珠盡開笑口一座白毫香塔

唐多令

無力是西風寒花不肯紅間傷心千古誰同一片雨聲秋欲去
留不得且從容吹去斷雲蹤飄來幾葉楓便飄零終要相逢
我欲挽將橋下柳勸流水莫歸東

滿庭芳

萬里西風聲如怒馬送將秋入愁邊碎荷舍雨搖蕩不成圓缺
剪秋雲寫恨雲中雁應替人傳長空杳瓊樓細語吹斷渺如煙

休憐無寢作須知有寢也自淒然縱不隔銀屏猶隔遙天慢說蓬萊水淺明珠在難伺龍眠空收取雙紅豆顆銀合貯來鮮

清波引

送秋用白石韻

喚槎銀浦踏雲片颯然起舞故人何許月痕挂睂嫵落葉蕩心碎陣陣催將秋去但餘一帶瀟湘是神女弄珠處閒愁付與奈覓寢難趁雁度算砧敲否慢敲斷秋語飄零寄清淚化作寒空淒雨不分霜信能知者相思苦

玉抱肚

心佛圖

靈山親到靈臺親埽怕靈犀一點丹誠佛心猶未知道况慈雲遠隔何由覓照膽青銅教伊照有情萬種沒處可表思量出剖

心橐 佛果婆心還應把神通立顯同心換顛倒我情兒放入
伊心竅佛意兒放來儂心抱兩相思兩下纔知不然佛喜佛惱
我何曾曉 從今後我自心頭佛縈繞更不用管佛心靜佛心
擾鑒我誠疑我狡任他靈巧千變萬轉總未及我心頭造

鳳凰臺上憶吹簫

寒夜感舊

天入船窗月安人面豔情最憶秋宵蕩此心如水一管清簫無
限江山感慨多憑仗酒祓花消而今臘西湖十里冷碧空搖
迢迢不愁路杳愁此後萍緣雪泊波飄苦有書難寄封了旋燒
惟是南樓征雁來慰我深夜無聊無聊甚重將寢溫寢亦都遙

訴衷情

人遠情煥誰得管爲多心絲轉亂幾斷斷還尋心孔越深深知

音要知絃外音且從今

賣花聲

卽事嘲子侃

未忍便相拋半舊冰綃有人見了轉冤消道是蘭香香澤在展
玩無聊 諸易紫鸞繩繫取儂腰一絲從此定深交淚迹饁劬
心迹顯認取今朝

薄倖

爲秀卿作也秀卿氏顧叔利其色將鬻爲娼余適北行
過南濠訪之秀涕泣求援自謂微獨章臺柳不甘愛鑿
折卽歸沙叱利亦不如死有能引手則可數年活否則
覓我於靈巖古柏間耳余感其志躊躇不忍別秀曰行
矣畱此無益徒亂君意他日過蘇臺誌我墓而去則君

之惠也嗟乎以秀卿之明慧薄命固其宜耳惟僕以七尺軀不能援一女子平日所自負拯世勵俗者竟安在哉憤填此解爲普天下無能人悲

問垂楊縷爭不綰儂舟且住便隔著桃花香裏還是那人家處忍撇他月樣明珠冤沉碧海難撈取算縱有丹誠不如紅淚猶得霑卿鄉士把舊事思量起墳自誤誤卿誤約孤墳三尺榕陰一樹清明他日尋伊路艤遙還阻趁東風未死蘭香且覓生香去休教恨晚贖與桃花共語

又

蘭風以天上人間圖屬題其事與前解頗類因疊韻賦

之
情絲千縷算沒計將春挽住只一片無情天影應是好春歸處

把白雲聊當瓊樓相思苦向雲中語臘鉢合心空金釵翼短還
在紅塵塵土待信寄遙空裏還恐被孤鴻擔誤指黃河萬里
如腸九曲可真通得天河路不愁脩阻怕瑤京追着瑤英又下
人間去何如守定畫裏真真喚取

五絃結同心

香囊 還須禁下七字照詞律填與曝書亭稍異

繁抽別緒細裹情絲付與一囊收貯雙笑芙蓉朵分明是繡出
同心人語任教佩過茱萸節定鑿絕花如承露絲絲透幽蘭氣
息只認素心中吐臨行又親分付道天涯此去少添詩句口
要如伊緊心須放休要似伊收住私書儻接牛緘著第一是防
人窺覲還須禁奇香漏洩莫任小奚探取

浪淘沙

綠樹障南天離恨。緜緜檀槽誰撥第三絃。此曲祇應天上有。誤被人傳。清囊料難圓。淒絕還眠春痕尋。遍月如烟化作一珠懸碧落。不在人間。

又

昨寢踏瑤天。霞軟紅絲一條。銀漢直如絃。手摘明星春不語。消息誰傳。露滴被池圓。猶抱虹眠蕊。宮往事已雲煙。我有淚珠彈。向月不灑花間。

長相思

古花朝紀事

萼綠因緣蘭香會。合相思已種。前生多情璧月多。事東風又牽花影縱橫。最小年庚似依人。飛鳥宛轉瓏瓈翦綵繁。金鈴替花枝。端整書名只臉暈。承羞眼波含媚未。應全不關情。無情偏

有意任天真纔算丹誠強作聰明道莫把眞心盡傾墮懷中身
先匿笑難成

天仙子

癸亥閨春偶遊小石屋遇美人倚竹而歌清婉裂雲其
詞曰石綢似雲雲似屋洞天劃碎玻璃綠玉潭清影記
前生芝草熟瑤書讀寢倚梅花醒倚竹歌闋女伴簇擁
而去人耶仙耶急錄於翠壁之上并和其韻不作三會
避者欲其附我以傳也

世外行雲雲外屋洞簫吹得春情綠佩環飛去月無聲幽寢熟
重溫讀仙語玲瓏穿翠竹

瑤花

閨花朝爲美人壽

東風喚起天遣晴絲把紅綃重繫問花開否花不語也帶傷春
情味融春入酒可勸得芳心歡喜便玉瓊醉倒難勝有箇如花
堪替願春長似今年看添了花籌人準花例三番月上只算
得一半春隨流水小紅闌角是他日最思量地佛碧天忘卻今
盟縷縷碧雲能記

國香慢

待不傷春被香天雪海圍住瑤情東風似扶輕絮冷入孤吟一
片空明身世便瓊樓無此淒清飛來舊時月滿地雲流心事縱
橫綠窗花下語早飄零淚點算到如今拾來疎影前緜何處
重尋就使他生緣在已聰明擔誤今生淒涼數聲笛儘似當年
吹碎人心

比梅

昨夜妬花風急吹得小闌紅溼空繡五雲幡一
點護持無力蝴蝶又集野蓬蒿葉

淡黃柳

雨中送春

空庭一碧遮得天如莫燕燕鶯鶯都不語多謝風風雨雨冷冷
清清載春去去還住相逢又何處便有約怕仍誤顧薇薇目
把紅顏駐過了今番更無蹤影惟有楊花自舞

剔銀燈

昨夜潮聲如雨曉寢零星飛去翦水難開團雲不攏搖蕩秋心
無主送秋南浦還只想把秋留住一寸軟紅香土種下相思
無數花欲離竟月空墳廓天上人間如許今宵何處賸一點寒
燈淒語

惜紅衣

慰友人悼亡

釵股盟秋琴心送日墜歡堪憶意外西風同心朵吹折香寒鏡
掩誰與扣瑤環消息淒絕孤柳碎苔隱朝霞顏色亭亭水側
零落紅衣留仙舊裙摺花前小字閣筆怕重說傾盡綠盤清露
幾點碎珠難覓問甚時來飛下碧天明月

賀新郎

真悔相逢也又添將海棠葉上淚珠盈把我有心頭無限事此
淚因誰痛灑爭對面熒熒齊瀉卿自哭卿儂哭我不傷心除是
無心者銀蠟淚反先她不如忍淚從今罷到他生緣終易盡
亦如今夜卿淚只流黃浦住我淚寒潮逕下便要哭各尋羅帳
祇當不曾相識過任滄波兩葉浮萍化大笑起一帆挂

獻衷心

城南李家池瀨華中聽雨

蕩水雲深處涼雨瀟瀟紅欲語綠先搖看冷香飛動詩思俱飄
高柳外吹不定一枝簫鷗有寢蟻無聊好山如隱碧紗寮悵
玉人何處明月難邀波點點還泊在赤欄橋

荷華媚

荷花

何人如卿色妍紅裏透出絲絲嬌白前宵明月下清香一片覓
行雲無迹最可恨花近香偏遠似芳心不定蹤聯情隔何時
蕩扁舟去涼雲圍住我箇中吹笛

卜算子

雨也如人淚風也驚人睡閣外芭蕉閣裏心一樣秋來碎燈

與人兒對影與人兒背如我傷心有幾人總在秋聲內

洞仙歌

玫瑰

薔薇共笑認妹耶還姊紅潤林霏浥嬌紫引玉闇纖步端正徘徊牆角外聽喚珍珠小字鈎人殊宛轉反爲情多輭媚中閒忽舍刺及早嫁東風拌得離娘休錯過嫩條初試待收取濃芬露華煎好供養詩人酒邊茶次

又

茉莉

麝香小朵襯鬢雲嬌豔金鳳釵頭晚風顫喜半含半吐絕似歌唇纏欲啟又怯人前脣腴閨中偏巧絕綠蒂抽來嵌作芳心更妍倩夜墮枕稜邊曉起餘芬還壓在謝娘園扇算如此溫柔

惹人憐比小玉風流箇人活現

又

玉簪

一枝玉輭似鬢邊吹落新樣珠釵舊雕琢想素娥宴罷寶髻欹
斜纔墮下早被此花偷學夜深清露緊卷了檀心越覺玲瓏
瘦初削季女太嬌憨誤覓搔頭道遺在畫欄西角空賺折階前
沈郎腰向綠葉低叢暗中尋索

又

合歡

嬌紅嫩白露嫣然微笑細蕊偏藏葉兒好似吟邊小倦捱近黃
昏妝未卸星眼朦朧合了芳名聽便喜種向閒庭可許忘憂
比蕙艸風際裏殘絲宿忿纔蠲又攬得新愁繚繞要博取卽歡

枕中安預分付雙鬟莫教伊曉

解語花

花韻

神融燠暢氣逼晴妍芳性難持穩被春鉤引懸堅忍已漏半絲
餘蘊近前又隱遙立定微微來近將影蹤瞞過東風付與詩人
省荀令衣熏預屏檢舍葩嬌處留意潛認箇人肩並同心語
攬和味誰幽勝遊蜂漫趁須會得靜中消領情未闌垂下疏簾
還一襟芳臘

又

花情

柔枝鬱性小朵含恩嬌斂春無主爲誰凝佇參差怨脈脈弄愁
如許芳心半吐還一半嫩寒兜住感此生消受東風又怕遭伊

妬 淫淚難禁猛雨縱盈盈如墮幽恨誰語煙香晴霧嫣然笑
曾露幾回歡緒低顏暗楚爭禁得蟾窺蜂覩依翠陰無限思量
憑晚鶯低訴

南鄉子

獨自莫凭闌銀漢如煙瘦半灣飛去月中環佩杳飛還只有孤
雲一片閒 雲影似頽鬟值得傷心仰面看可奈晚風吹又緊
吹殘化作絲絲閣遠山

瀟瀟雨

山中夜雨有寄○玉田空山彈古瑟一詞或云卽八聲
甘州惟起句讀法微異耳然玉田別有記玉關一闋仍
題八聲甘州而此作瀟瀟雨旣遵其句法并仍其名
情天多少淚與空山別淚一時飛正一簾水蕩一燈豆小一雁

雲低欲把錦箋書寄封了又重題忍說梨花夜燭翦窗西
不是愁聲逼耳是愁人聽去分外悽迷料紅樓今夕竟繞碧峯栖
怕蕭蕭風卷殘葉阻伶俜瘦渡寒谿爭知我一雙醒眼沒計
尋伊

戀情深

驀地春情難自掩喜無人見如何瞞得過花陰一雙禽　眞珠
簾押畫沉沉風緊落花深乍歇又還飛起似人心

天眞閣集卷三十六

詞四

昭文 孫原湘 子瀟

小銀河舫吹笙譜

摸魚兒

獨坐脩竹下涼月漏衣萬籟都寂塵意灑然而醒
拂蒼苔半襟幽思涼雲重疊難埽瑠璃遮斷纖塵影祇許玉蟾
飛到聲杳杳問此際誰從人外秋意討蘿絲露裏待濯髮溝池
風來水面倒聽碧鸞嘯長安路雪轍霜蹄送老瑤琴知有誰
抱饒佗傺見江皋綠旋被軟紅遮了秋自好未許翦秋情寄與
春寢曉深林翠遠儘掬取生香此中詩語莫與外人道

又

送秋

儘西風埽空寒簾如何能埽愁緒遙山一角如殘畫遮得幾多
秋住。瞻極浦秋已被斜陽拖入紅沉處清尊漫與且雲葉裁箋
苔花刻翠料理餞秋語春江度曾說歸期屢誤如今書也無
據桃花負了劉郎約還遣冷楓低舞天又雨天似怨琉璃揭碎
秋難補閒情自苦把一雨離愁數行淒淚拋擲與湘渚

瀟瀟雨

秋陰

天低寒閣雨二分秋寫出十分愁倚屏山不語湘雲一片搖蕩
瓊鈎深院晚涼先到梧葉自颺颺不是斜陽裏也怕登樓漫
想芙蓉采采悵紅衣落盡與水東流臘菰蒲涼癢高枕喚閒鷗
約空江明月如雪待何時散髮櫂扁舟飄然意趁冥鴻去已落

渡江雲

秋海棠月下

一天風露裏爲誰黯黯耐盡月黃昏嬾紅扶不起化作階前滿地澹秋痕相思欲寄怨前生郤共誰論還記得一雙清淚種出此愁根消䰟花閒別後瘦減容光料如花淒惻爭及得花常見面相傍溫存素娥隔著青天闌尙破雲來照芳尊人不遠如何閉了重門

桂枝香

中秋夕陰晦醉行西簷閒人影衣香颯然指秋意

蟾光緊閉度縹緲玉笙都是秋氣惟有哀螢密語溼螢幽致誰家秫釀新築熟滴紅珠小槽聲細者番清醒西風送老桂香塵世縱放出花明月麗也消得南樓幾度沈醉千古銅仙對此

不勝清淚玉尊起舞回寒雪且消除舊恨如水咽雲長嘯西山傲骨插天無際

高陽臺

餐秀樓弔落花

天被雲糊春憑水繪闌干暮草朝朝怕上層樓桃花隔水相招繁紅墮地心猶活更尋思起舞爭嬌任東風幾陣催寒卷過谿橋煩伊并卷春愁去共零香襟粉都付江潮潮起還平閒愁長了難消西山幾點煙巒白又商量暮雨瀟瀟且聽殘清角黃昏捱過今宵

八寶妝

出北郭數里由舜過井折而西古綠漲天紺桃隱約巖際有三數人家跨泉而居人蹟脊絕但聞水聲潺湲鳥

啼花落而已

遮一重雲一重溪水愈轉愈生幽碧清絕纖塵飛不到綠外遙
天空滴依巖茅屋數椽三兩桃花參差紅露春山缺應是古仙
原路詩人尋得曾記寢裏來遊石梁灑瀑佩環聲與蕭瑟爭
回首玉梯斷處水花拂輕衫成雪覓前徑沈沈翠壁古苔空有
雲行迹算不是劉郎閒情爲甚偏淒切

桂枝香

雁聲

淒淒切切漸轉入暗空添倍嗚咽何處零煙斷雨帶來聲息吳
霜壓入平沙去似琴絲六絃中絕一樓虛靜一簾蕩漾一燈明
滅又一陣商飈送急料銜起蘆花呼侶相覓多少離情怨緒
玉箏彈徹喚回枕上遼西路起來尋殘縷無迹九邊書沓三更

秋冷四圍天黑

木蘭花慢

隱湖邨舍

把紅情翦斷問春色在誰家但綠抱當門白鷗天外沒點桃花
煙靄淨將癢鎖有詩情只寄與蒹葭吟到無人和處松濤自起
箇牙韶華冉冉去天涯灑翠滿窗紗已不管春來那知春去
疊嶂空遮藏鴉暗窺細柳夢孤邨受畫夕陽斜隔水東風弄暝
閒雲載上仙槎

翠樓吟

九月六日夜古桂霏香新月吐靄聽鄰家笛聲數弄同

道華作

樹繪深愁雲搖薄縷輕寒作弄花暝玲瓏香雪裏笑尋去詩情

先等閒庭清影看翠拂蛾眉風欹蟬鬢天香頂露珠吹下一襟
秋冷 寂靜收起銀燈放半鈎涼寢照人雙醒飛來秋語好奈
微帶么絃商緊陰晴難準且莫負今宵同拌淒領窗紗隱暗敲
殘葉幾聲堪聽

望楓

席上賦蜜楓

酒邊唇渴喜晶盤別薦翠珠圓滴怪舊時風味全殊帶些子燒
春半攏崖蜜到口先消更何惜齒牙餘力似相思見了釋盡心
酸一味甘絕 回思雨中望得帶青枝摘下清脆如雪費綠箇
妙手圓搓浸白定宣羹蠟封嚴密笑謝吳鹽已不是和羹才價
笑文君未諳此味遠山翠結黃山谷詩相如病渴應須此莫與文君盛遠山

瑣窗寒

句曲駱佩香早寡工詩僦居京口頽其室曰聽秋繪爲
圖冊介述庵司寇來索題寒天苦語了無佳致惟於守
貞抱素之志或不戾云 詞律載清真九十九字此從

玉田體

萬古江聲六朝樹色一詩人住孤幃悄閉落葉自和蟲語問西
風蕭蕭爲誰儘吹恨入秋中去正簾深燭短霜濃月瘦夜長難
躋延佇聲何樹怪曲徑虛廊盡秋停處寒蘆弄絮又飛起來
迎愁句爭知人湘竹淚痕冥冥化作江上雨算惟鴈遠渚孤鴻
定諳情意苦

一萼紅

太真沈醉圖

被春風把梨花素面吹作海棠紅眠去霞嬌扶來玉帳雲意先

自朦朧儘消受君王笑眼喚不起仙帳醉芙蓉絳幘空鳴翠簾
誰脫孤負晨鐘惟有玉梅淒絕抱冰霓雪魄獨醒樓東瑤殿
恩深金盤露湛分與椒掖春濃一曲霓裳舞罷華清寢同在醉
鄉中不道豬龍嘯時驚起巫峯

西子妝慢

西施舞裏石

響屢廊空浣紗磯冷翠裏何勞還舞當年本是石心人受君恩
忍將君誤扁舟載去竟濯霓明湖深處望夫霓化飄飄仙袂風
前猶舉誰擣取擲向荒郊亂繡苔花古霓裳多少美人霓散
空箱蝶衣同腐無情至汝學垂手猶凝納霧淚斑斑一片吳宮
暗雨

湘江靜

王櫻卿女史倚竹圖

薄莫梢梢寒欲雨起尋秋待尋何處添香乍了停琴未久且愁
和煙語落日蕩詩寬虧一片綠雲扶住繁衣翠冷煙耶水耶還
應認寢湘渚露漸滴風又舞簾飛來似催秋句哀蠻訴寂涼
蟾弄暝尚亭亭延佇竹也耐清寒真脩到棋花夫壻相依瘦影
香茅破後牽蘿共補

惜餘春慢

春盡日坐餐秀櫻落花如煙啼鳥俱寂春光去矣

怕見飛花偏生飛去一半猶依芳艸深深院落有蝶無人剛被
綠陰遮了還算東風有情相伴遊絲半空閒裏間啼鵑聲裏天
涯留得夕陽多少休更放飛絮漫天替花吹淚郤恐連天都
老烟波一片化去春痕祇許亂萍知道還掩重門醉眠長笛弄

愁那須分曉看明朝簾卷蒼苔惟墮碧雲難埽

南歌子

寄道華

小別雲爲纓相思月可呼匆匆已是熟樵初知道芭蕉綠到小窗無短札原無語新詞便當書落花如雪滿階除爲問催人歸去又何如

東風第一枝

春曉蕩舟三橋看柳色

殘月銜峯孤雲隱水嫩寒蒸透花霧一灘濃綠低迷不辨是烟是樹黃鸝破曉強喚覺春眠張緒試覓取昨平夜吟覓定在畫橋橫處須鑒賞大癡妙譜徐搢擋志和勝具隔汀飛起楊花可解恨人俊語紅樓此際尙誤聽絲絲春雨待倚舷吟到斜陽

莫管亂鴉相繫

洞仙歌

懨懨小病怕意中人在強起紗窗默相對爭溫柔性格蕪地粗疎全不解體貼玉兒情態果然蒙變寵就算嬌嗔底事當前便深怪清淚灑梨華寧受摧殘未肯向東風輕拜直逼得檀郎自低頭還悲咽難勝教伊無奈

鵲橋仙

織女圖

天河幹筆秋雲翦紙描出霧鬢風致三分恨色二分愁更帶著一分癡意萬年常聚一年常別嘗過合離滋味畫師若是畫雙星反落了尋常伉儷

醉花陰

水仙

翠幕如煙深
護穩紅燭搖
春影時候正清寒
一曲瑤琴彈得冰
魄醒
細拙碧玉靈苗並
蠶吐檀心淨
遮斷小屏山
怕有風絲
吹著仙肌冷

曉戀花

睡起鬟多無氣力
鵲鏡初開瘦了桃花
臘月櫟牙梳編齒密
如何理得相思結
舊寢分明長在憶
委地春雲非我猶憐絕悄
向水精屏下立
曉風微透羅襦息

小楳花

秋海棠

梨渦瓊檀心透天然
秀色人無偶
學楳花似楳花沈香
癮醒微褪曉妝霞
一生甘避春風面
獨倚牆陰淚如綫
被人疑怕人知

顛頓秋容端的爲相思 幽蟲語哀蟬訴如何寫盡秋愁繕畫
闌邊瑣窗前幾回凝竚腸斷有誰憐尋秋鳳子花閒活喚得真
香香在骨雨瀟瀟夜迢迢酸情一點崖蜜未能消

薄倖

友人於賣餉擔頭得一扇爲寢樓前輩錄玉溪生詩末
云爲柔卿書背面畫一姬折花而立因憶乾隆辛亥秋
隨園丈同遊紅映樓有柔卿者出見手攜寢樓此書時
墨瀋尙新忽忽二十年書者與樓中人都已化去而此
扇流落人間幾於蘭亭繭紙矣

春風人面記少日閉花過眼正畫閣簾波搖細喚起梨雲妝倩
乍相逢旋轉銀屏羞蛾尙借冰紈掩認小字分明右軍筆格戲
與秋娘書徧 只幾箇昏鴨醉鴻雪地滄桑已變樓空燕子去

乘鸞煙影人閒曠了桃花扇粉痕猶染想當時酒次歌關裏角
低徊展晴窗細認聊當蘭亭再見

春從天上来

蔣伯生香嬰室圖 詞律收王惲作較此少兩韻少二字平仄亦小異此依山中白雲詞

一簇紅霞指鬱羅天上舊是兒家河濱珠澄月明風細降下七寶香車攜得嬰年環珮渾未解碧玉分瓜認光華是窗中人面不是桃花丹砂有時戲擲散馥郁輕煙染徧紋紗雙蝶飛來猶疑花氣縈繞仙鬢欹斜情思纏綿如繭郎心軟兜起情芽漫跌跏早維摩丈室散滿天葩

醉春風

屈子謙遺墨有桃花飛燕自署宋人春風圖子載屬題

巧繪無蹤影釣取封娘性兩三飛燕趁身輕認認下上桃花
蹴花飛緩掠花飛迅道是徐熙本微與黃筌近畫圖留得在
人間恨恨恨孤負春風幾番吹到武陵花信

柳梢青

待不相思偏生昨夜許下幽期鬢影風搔撓羅霜浸忒煞情癡
耐心莫說人兒便月也花陰慢移等過黃昏不如休等眠去
尋伊

月照梨花

欲住終去畱伊何處緩過獨兒潛開繡戶門外風露零零後人
行歸房蠟淚紅如澍背燈不語好癡渾無據箇人蹤影疑復
經花落疎櫺幾回聽

海棠春

窗糊雲母晴光映借一曲屏山遙定慢道寂無人怕有迴廊影
關心更是雙鬟聽索遣去海棠花徑要捉蝶雙雙試向花陰等

思遠人

欲寫相思何處寫寫了又停筆三分來恨七分來想情事最難說
鴛鴦兩字纔書畢旋把角兒折怕小婢鬟來被伊窺見人前漏消息

念奴嬌

虞山北麓曰石棟吾邑之小香雪海也華亭改七香遊
而樂之思誅茆結廬其閒屬錢叔美作圖寄意自題壺
中天一闋叔美和之余亦次韻

一窩秀冷比桃源多了秦時春雪崔守巖扉寒鎖綠寢老東風

蝴蝶爲礙低枝別穿斜牖放入山容潛閒尋詩瘦暗香飛動吟
葉肯就空谷牽蘿攜來家具雞犬都仙骨披取綃衣高臥穩
弄影瑤臺清絕翠落床頭雲行酒裏笑看冰姿發隔林呼我共
攜鴉鵠鋤月

賀新郎

臨別牽衣語約還家分符解櫻定期端午轉眼榴花紅過了望
斷歸帆遠浦接一紙魚天箋素道是銀灣煙波淺怕空江桃葉
難飛渡須不是舊盟誤而今已是重陽度問西興秋潮有信
往來雙艤爭不載卿扁舟下難道湖山絆住休更說石尤風阻
不怨連宵都無寢怨分眞手札難憑據除見了對伊訴

暗香

紅棋

喚醒古雪間幾時和了朝霞顏色隔著短籬誤認桃花笑舒靨
還向西湖照影看倒浸珊瑚枝溼臉一點未化冰心難與夕陽
說清絕豔自別歎崔顥養成未縱仙翮角聲弄徹驚起明妃
醉霓裳無限懷君別恨都化作相思啼血謂舊夢拋去也有如
皦日

疎影

綠模

東風弄色把嶺頭古樹吹上寒碧只合相逢竹外松閒無言門
取高格湘雲隔斷羅浮寢賴翠羽能知消息想夜深萼綠華來
踏遍冷香無迹欲寄相思便寄早春水樣淺流去堪惜莫等
樓頭墮下盈盈郤向蒼苔尋覓還疑玉笛吹哀怨預換下一天
新葉趁故人猶在江南好比柳枝先折

聲慢

易安居士此闋千古絕調當是德父亡後無聊寂怨之作玩其祭夫文云白日正中歎龐公之機絕堅城自墮憐杞婦之悲深此正所謂悲深也豈有與秦處厚書云云偶與改七香言之七香仿詞意作圖余填此解爲居士一雪前謗願普天下有心人同聲和之

何須訴出滿紙淒風如聞欲語又咽癡已無蹤還似癡中尋覓心頭幾許舊事盡交他玉階殘葉雨外雁雁邊雲并作一天秋黑
我讀秋聲愁絕千古恨除非見伊親說畫不能言郤勝未曾省識黃花尙憐瘦影抱寒香共守寂寂縱自怨怎肯負霜後晚節

唐花

誰從地底偷取春來把春翻瞞得繁華太驟須不是羯鼓催將
消息紅鑪扇燭看漸逼芳心趨熱偏暗中送燠噓溫奪了東風
權力深林儘有芳菲寧讓與冬烘先弄春色開非異種異只
在未到應開時節生香縱好人巧極天真微失算此時惟有楳
花自挺耐寒仙骨

拜李圖題詞

詞中三李太白詞之祖也南唐後主繼別者也漱玉繼
禰者也詞家多奉姜張而不知溯其先予與諸子學詞
而設醴以祀三李作拜李圖各就三家調倚聲歌之以
當侑樂

菩薩蠻

侑謫仙人

詩仙自被蛟龍得何人筆燦青蓮色杯酒間寒空一星搖酒中
辦香心禮佛藥向橐端活可惜一千年江山風月閒

浪淘沙

侑南唐後主

吟管太生香名士文章風流強要作君王染就一襟天水碧褪
了黃裳洗面淚珠涼春短愁長落花休自怨蒼黃放下射鵠
詞賦手挽住斜陽

醉花陰

侑易安居士

餐盡百花人獨秀露洗聰明透風卷一簾秋滿地寒香飛上新
詞瘦玲瓏藕孔香生九絕調今誰又我欲繡音韻有箇人兒

先勸將伊繡

長亭怨慢

柳如是印旁刻癸未春楚秀鑄贈癸未崇禎十六年也

問誰向寒灰收取兩字綢繆一方花乳乳罩桃花絳雲人而在
何許玉纖摩撫曾印徧開元譜縱使石能言忍細說前朝眉嫵
孤墓訪垂楊昔寢祗賸翠條如故苕華篆古怎尙有鬱嬪呵
護最怕是俗手流傳當紅豆秋風拋去願匣裏旃檀還供妝櫻

閒貯

今昭文縣治東偏小樓爲河東君殉節之所所有小像供其上

長相思

畫屏空篆煙籠一夜燈花搖冷紅不知何處風亂山重亂雲
濃有縷還愁不可通寢兼無影蹤

醉花陰

餐秀樓坐月春光去矣人月俱瘦淒然有作

山影堆煙煙影厚素冕煙中漏莫上瓊窗來樹影添肥人影新
來瘦舊愁未了新愁陡擬向姮娥剖漫苦月淒涼月去雲遮天
有愁時候

玲瓏四犯

簷鐸

走葉院虛停雲廊靜淒淒何事相絮半生空蕩過四角誰遮
餽窗正思細語被東風又教兜住普戾音情郎當身世餘恨共
千古憑闌爲伊凝竚恁輕絲繫著搖宕無主遠天清絕鶴自
帶歡聲去同時簾有伶仃響在半背斜陽低度簷下苦得來怕
還淋暗雨

虞美人

美人虹

憑空一縷春情化靄絕殊難罷問渠底事不成圓貪著拖長尺
顧澹如煙 料應天亦看無奈遺下相思帶分明畫出兩條心
隔著長空隔不斷離情

水龍吟

白秋海棠

明明洗盡春紅小名尙帶春風靄前生是纓今生是淚新妝誰
銜瘦不成秋三分薄病七分淒怨隱逃澹月何人瘦影粉牆
角空尋徧 不怕霜痕拂面怕脂痕被人濡染無多膩粉儘教
鉛水一齊消滅玉化輕煙珠飛碎雨甚時相見抱相思渺渺柔
腸自斷素心無變

南浦

秋水

渺渺綠無邊一泓秋只有長天同淨中有點紅無游魚戲還癢
舊時紅影蘆花自笑西風獨對空明鏡流得年光過半了愁絕
鏡中青鬢何人小注清臚與澄澄活翠同流不定甚欲訴相
思娟娟隔看到浪花煙暝天河漸隱素波下瀉人間冷莫悵桃
原芳訊斷猶見御溝紅牘

綺羅香

黃葉

病態支寒衰客避酒枯寂應通禪悟如畫江南都被夕陽鎔鑄
正歸櫂遙指前邨比橘柚預知來路笑丹楓垂老春情不招春
妬怕秋妬秋光誰竟買去猶牘疎林弄色金將顏駐莫便飄
零畱鬪傲霜風趣問幽人箬述空山可當得硬黃箋楮聽蕭蕭

憶著成陰熟棣時節雨

慶春宮

有持古瓦求售云是銅雀臺者長尺五寸廣九寸博四分背有篆文隱隱露日王二字上下俱饋餉按楊升菴外集云銅雀宋時已不可得升菴嘗得高歡避暑宮冰井臺瓦上有香姜字曰王疑是香姜之剝餉耳是日集天眞閣作消寒第一會因與諸子各填一解賦之

青雀孤飛高臺纔建翠瓴慢認銅雀門蟻軍容連牛陣勢奮呼應震屋角聘來雙豔快天半雙鵠並落金墉西毀寶殿南開寢酣香閣可憐敕勒歌成賣履分香氣同蕭索鸚鵡聲淒鶯鶯色冷一夜冰花如鑿赤蛇覓返問何處團焦寄託摩挲遺弊勝金甌破殘京洛

齊天樂

賈秋壑雕刻山水蟋蟀盆

傳來白雁秋聲緊平章但饒秋興贋水雙湖殘山半壁都入雕
盆清景軍容自整看拔柵先登跳身輕俊報主長鳴算伊奏捷
似開慶能消幾回鬥勝禦邊憑瓦注難避霜信羽騎三千牙
軍七萬同畢沙蟲微命金籠縱穩笑拉脇須臾到頭誰憫落得
哀啼木縣菴月冷

水龍吟

秋海棠

幾曾相識春風可堪強把春情喚相思萬種爲誰顰頷何心妝
倩不合天公賦伊薄命縱伊嬌豔避墻陰一角無人到處又還
被人尋見不願西風寄遠願西風且休搖顛本來是淚那禁

清露撲珠盈臉只顧低頭郤勞蟲語替傳幽怨問花耶是否分明畫出箇人腸斷

清平樂

題睂卿詞橐

愁長春短都付紅牙管已是飛花如雪滿埽了又風吹亂人閒儘有閒情何曾解按簫聲吹出一絲秋氣不知多少聰明

唐多令

同人有看楓之約風雨敗興雨霽而零落矣爲填此解待得放晴耶霜林日已斜卷西風亂落天涯但是紅顏多薄命原不合似桃花埽去向誰家春情供賣茶天公既是妬妍華自放明霞嬌艷煞何苦染葉如霞

渡江雲

仇實父畫陶淵明歸去來圖

青山千古笑年年望眼望見幾人無一枝鷗外水一葉輕裝人在義熙初身閒似雀與閒雲光影同孤回首看輭紅塵土飛不到吾廬如余蓬瀛小住仄便櫂歸舟伴菰蒲秋語仄單少郤梳煙挂月五柳扶疎先生儻許稱同調借圖中添我清臞人縱淡還思比菊何如

水龍吟

二月十五夜拜紅軒海棠花下拜花

世閒無此娉婷用碧山句對伊不醉何時醉呼來皓月弄嬌移艷滿庭春碎纔放三分二分如笑一分如睡正東風送燠生香幾點早飛上詩情媚不爲酒酣游戲爲嫣然自消英氣此花以外間誰消得詩人頂禮醉不須扶一身清露臥花陰裏怕枝頭綻

滿紅情點點化相思淚

月下笛

依白石腔題綠珠吹笛圖

絕代豪華一人擅寵萬花深處茵於受譜按新腔趁雲度春心
吹入湘江竹怎音帶湘娥怨苦料颯風此際愁凝蛾綠淚漬珊
樹歌舞風吹去臘冷落園林燕鶯聲絮梅花瘦管幾番花下
圓聚無情偏是吹樓月向樓角明珠靜吐忍拋箇小宋姬殘譜
細弄秋語

琵琶仙

楊升菴松下煎茶圖裝於升菴所藏唐搨鍾王小楷之
前故定爲升菴像畫無年月欵識角鈐用修內子印斷
爲黃安人作安人工筆札然謹慎雖子弟不得見宜其

不署款也庚辰冬日獲觀於錢氏拜紅軒旣爲題識復填此解

明月飛來甚時得照見歸人顏色離緒分付丹青歸心畫難出
人漸老孤松自媚但凋郤避煙枝碧紗帽盧仝官袍太白前癡
休說待描箇胡粉蠻花料羌笛聲中鬢添雪還是舊時巾扇
與春風相識招手喚飛鴻下認試寄將錦字消息祇怕南去風
煙片雲無蹟

念奴嬌

臘月十九爲東坡生日祀以酒脯填此侑神

放開雙眼看長空幾箇文星搖曳更一千年逢此夕定有寒芒
飛起大好江山無邊風月何處神游戲桃花來勑一尊遙酌雲
際爲問當代詞人誰堪消受萬古寒香祭死縱得傳傳已死

何況傳人能幾跌宕鶯花流連山水便是神仙計人間天上玉壺春煙同醉

埽花遊

文與也香影寮寢夏圖與也文肅之孫嘗寄蹟寶慶寺度夏作圖以遺寺僧

停雲館廢借半塢閒雲自舒清嘯豔易過了看紅消逕暗翠盤陰老世外秋聲預遣涼颸送到弄珠曉更何處洞天客此孤傲廻眺秋聲早又瘦了青山綠煙如埽舊遊癮繞臙寒蟬樹樹曳愁殘照喚取秋燈細與商量畫棗悟微妙在圖中自拈花笑